

ЛЕЗГИ ГАЗЕТ

Жуван Ватан, ватанэгълияр,
дидед члал хуьх!



1920 – йисалай акъатзава

N 25 (10982) хемис 24 – июнь, 2021 – йис WWW.LEZGIGAZET.RU

Къимет “Дагпечатдин” киоскрай - 16 манат

Дагъустандин образованидин ва илимдин министерстводи хабар гайивал, Дагъустанда, шаз хъиз, цини хайи члалар чирунин месэлайриз региондин бюджетдай 20 миллион манат пул чара ийида.

Министерстводин пресс-къуллугъдин делиралди, такъатрин асул пай хайи члалар акъатзавай ктабар маса къачуниз харжда ва абур республикадин мектеб-риз рекъе твада.

“Гъайиф хъи, эхиримжи йисара вири дуьньяда гзаф къадар члалар къахъунин месэла хъидаказ акъвазнава. Гъавилияй и кардиз вирира къетлен фикир гузва. Хайи члалар хуьнин рекъе виридалайни кар алай камарикай сад хизанда диде-бубаяр чпин веледрихъ галаз дидед члалал рахун я”, - алава хъуьнуна министерстводин векилди.

Къейд ийин хъи, Дагъустан уьлкведа виридалайни гзаф къадар миллетар яшамеш жезвай республика я. 14 члалал газетарни журналар акъатзава, телерадиопередачар гъазурзава.



Милли прессадин фестиваль

Сад лагъай сеферда



Агъмед МАГЪМУДОВ

Алай вахтунда Дагъустанда ва Азербайжанда лезги члалал 15 газетни журнал чапдай акъатзава. Абурун арада “Лезги газет”, “Самур”, “Кълар” (Азербайжан), “Ас-салам”, “Къурушрин сес” (Хасавюрт район), “Цийи дуьнья” (Ахцегъ район), “Эренлардин сес” (Докъузпара район), “Самурдин сес” (Меьгарамдхуьруьн район), “Экуь гъед” (Хив район), “Куьредин хабарар” (Сулейман-Стальский район), “Дагъдин булах” (Къурагъ район) газетар, “Самур”, “Кард”, “Дагъустандин дишегъли”, “Куьредин ярар” журналар ава. И сиягъдик са шумуд йис идалай вилик Азербайжанда акъатзавай “Алам” журнални квай, амма исътада ам чапзамач. Тварар къунвай гъар са изданидихъ чпис хас къетленвилер, келзавайбур, проектар, гъялна кванзавай месэляяр ава. 17-июндиз Дербентда, Лезги театрдин дараматда къиле фейи лезги прессадин сад лагъай фестивалдин сергъятра аваз и месэлайрихъ галаз санал алай аямдин лезги публицистика авай гъал, адан вилик акъвазнавай везифаяр, хайи члал хуьнин, вилик тухунин рекъер веревирдна.

Къейд ийин хъи, фестиваль “Лезги газетдин” 100 йисан юбилейдихъ галаз алакьалу яз гъеле алаатай йисуз тешкилун фикирдиз къачунавай. Амма коронавирсудин тлугъвал себеб яз, и кар къилиз акъудиз хъаначир. Цини лезги публицистикадин тарихда сифте яз ихътин дережада аваз къиле фейи мярекатди 11 изданидин ве-

килар санал къватна. Часпарар агалнавайвилей Азербайжанда акъатзавай “Самур”, “Кълар” газетрин редакцияра къвалахзавай чи къелемдин дустаривай Дербентдиз къвез хъанач. Вучиз ятлани, Докъузпара райондин “Эренлардин сес” газетдин редакциядин векилрини милли прессадин суварик иштиракнач. Вири районрин администрациярихъ хъиз, Докъузпара райондизни виликамаз РД-дин информациядин ва печатдин министерстводин патай фестивалдикай хабар гузвай махсус чар рекъе тунвай.

Лезги театрдин дараматдин фойеда гъар са газетдиз, журналдиз, лезги шаирринни гъикаятчийрин ктабриз, халкъдин адетриз, сентаквилериз талукъарнавай выставкаяр ахъайнавай. “Лезги газетдин” редакциядин выставкадал иштиракчийриз газетдин тарихдиз талукъ материалрихъ, ктабрихъ галаз санал редакцияди къилиз акъудзавай проектрихъ галаз таниш жедай мумкинвал авай: гъар са проекдикай гегъенш малуматар алай баннерар тукъурнавай. Абурун арада “Лезги члалан ктабар”, “Лезги члал хуьх!”, “Лезги члалай олимпиада”, “ЛЕКИ” фондунихъ галаз санал “Лезги газетдин” редакцияди тухузвай олимпиада, “Диндин конкурс” ва масабур авай. Фестивалдиз Ахцегъ, Меьгарамдхуьруьн, Сулейман-Стальский, Къурагъ районрай атанвай мугъманри чпин изданийриз талукъ выставкаяр милли майданар хъиз тукъурнавай. Къурагъ район майданар мярекатдин мугъманрай ондин культурадин управленидин къуллугъчийри лезги халкъдин манияр лугъналди къабулзавай, Меьгарамдхуьруьн

майдандал гатар хразвай, чхрадал сарикай гъал ийизвай къайдайриз килигдай мумкинвал авай, Ахцегърин майдандал чи халкъдин тарихдиз, медениятдиз талукъ экспонатар алай. Сулейман-Стальский райондин майдан Испикрин хуьруьн хъенчин къапари гуьрчегарнавай. Са гафуналди, гъар са майдан тарихдиз авунвай сиягъат хъиз тир.

Мярекатдин театрдин дараматдин тамашаяр къалурзавай залда къиле фейи асул пай “Лезги газетдин” къилин редактор Меьгамед Ибрагимова ахъайна. Ада иштиракчийрал РД-дин информациядин ва печатдин министр Умаросман Гъажиеван патай саламар агакъарна ва виридаз лезги прессадин сад лагъай фестиваль мубаракна. “Зи фикирдалди, къе лезги халкъдин уьмуьрда лишанлу ва къаила къиле физва. Сад лагъай сеферда тешкилнавай и мярекатдихъ хайи члал хуьнин, милли пресса вилик тухунин жигъетдай еке метлеб ава. Чи йикъара келзавайбурун члехи пай, иллаки жегъилар, интернетда ава, герек хабарарни абуру гъанай келзава. Ихътин шартлара къе тешкилнавай хътин мярекатрихъ авай метлеблудвал мадни гзаф жезва. Ихътин гуьруьшри газетрин, журналрин къилин редакторриз келзавайбурухъ галаз мукъувай рафтарвалдай, абурун теклифрихъ, меслятрихъ яб акалдай мумкинвал гузва. Нетижанда абуруз изданийрин къвалахда гъихътин дегишвилер тун герек ятла, гъихътин месэляяр сифте чкадал эцигна кванзавай чир жезва...”, - лагъана М.Ибрагимова.

► 8

Нумрадай келла:

БАТАНПЕРЕСВАЛ

Гиливидин йикъар-йифер

9-майдин йифен сятдин 2 хъана, 15 декъикъа алаатайла, чав Москвадай рахазвай Левитанан сес агакьна: “Дяе - куьтягъ, чун гъалиб хъанва!”

А декъикъайрин гъуьндуьр, шадвилер гафаралди лугъуз жедач. Германиядин цапчи салютри ракъини хъиз экуь авунвай...

► 5

ХУЬРУЬН МАЙИШАТ

Тамар цлаярикай хуьн!

Алукънавай гад чимиди хъанва. Гзаф йикъара гъавадин чимивал 25-30 градусдилай алатзава. Ида тамун чкайра цлаяр къунин хаталувал арадал гъизва. И кар себеп яз Дагъустан Республикадин тамарин майишатдин Комитетди 2021-йисан 1-апрелдилай Дагъустандин тамарин фондунин мулкунал цлаяр къунин хаталувлин сезон тайинарнава.

► 7

САГЪЛАМВАЛ

“Анжах рапар ягъуни куьмекда”

Республикада алай вахтунда арадал атанвай члуру гъаларикай, алаатай гъафтада коронавирсудики азарлугъурун, иллаки адетдинди тушир стлалжемди тади гузвайбурун къадар гзаф хъанвайдакай рахадайла, Т.Беляевади къейд авурвал, фендигар азардикай хуьдай анжах са рехъ ава - азардиз акси рапар ягъун.

► 9

ЮБИЛЕЙ

Лазим члавуз цан хъанайтла...

Къизил рукадикайни аквада лугъудайвал, келзавайбуруе къериз-цларуз хъайитлани эсерар агакьна, рикелай алат тийизвайбурни чакъ гзаф ава. Ахътинбурукай сад, чи фикирдалди, Хуьруьгъви Лукъман Алискеров я. Ам дидедиз хъайидалай инихъ цли 100 йис тамам жезва.

► 10

ХАБАРАП

Дагъустан машгъурзава

Са кардин гъавурда зун акъазвач: еке бажарагъ авай, гъегъенш “Голос” тепепроектда гъалиб хъанвай сад лагъай дагъустанвидиз республикадин гъукуматди са жуьрединни куьмек гузвач. Неинки тарифар авун, гъакъ гъакъикъи кралдини ихътин лайхлу касдиз меценатвилин куьмекар гун, адан яратишунрикай газетрани сетра кхъин лазим я.

► 12

ХАБАРАП

Имам - дуьньядин чемпион

И йикъара Краснодардин крайдин Анапа шегъерда какакьай бягъсерай дуьньядин Кубок патал турнир къиле фена. Дагъустандин хъягъай командадик квазана Дербентда тренер Рустам Къухмазован гъилик вердишвилер къачузвай ругуд спортсмендини иштиракна. Абурун жергедай тир Имам Гъасанова (7 йис) чемпионвилин твар къазанмишна.

► 15

Милли прессадин фестиваль

1

Гуьгьунлай мярекатдал Лезги театрдин директор Динара Эминова, филологиядин илимрин доктор Фаида Гъаниева, Дагъустандин халкъдин писатель Абдуселим Исмаилов, "Лезги газетдин" литературрадин отделдин редактор Мердали Жалилов, лезги писателрин Союздин председател, филологиядин илимрин кандидат Сардар Абил, "Цийи дуьнья" газетдин килин редактор Дашдемир Шерифалиев, Дагъустандин халкъдин артистка Зерифа Къухмазова, РД-дин писателрин Союздин лезги секциядин секретарь Владик Батманов, "Куьредин хабарар" газетдин отделдин редактор Хазран Къасумов, Санкт-Петербургдай хтанвай мугъман, шаир Гуьзеля Гъасанова, лезги члалан муаллим, шаир Гъулангерек Ибрагимова ва масабур рахана. Абуру хайи члалал акъатзавай газетрикай, журналрикай чпин фикирар лагъана, лезги члал, пресса хуьнин, вилик тухунин карда гъялна кланзавай месэляяр кьейдна.

Фестивалдин сергъятра аваз Лезги театрдин директор Динара Эминовади, "Лезги газетдин" 100 йис тамам хъун мубарак авуналди, редакциядин коллективдив Гуьрметдин грамота вахкана. Газетдин кваллах жегилриз ватанпересвилин тербия гудай М.Танкаеван

водител - Сариханум Эмирбегова), Тагъирхуьруьн-Къазмайрин искусстводин школада чирвилер къачузвай аялри гъазурнавай баннерар ва маса пишкешар авай...

Фестивалдикай гегеншдиз вичин фикирар "ЛГ"-дин килин редактор М.Ибрагимова лагъана.

"Санлай къачурла, лезги прессадин фестиваль хъсан гъалда киле фена. Мярекатдиз атанвай мугъманрин арада филологиядин илимрин доктор Фаида Гъаниева, философиядин илимрин доктор Омар Гуьсейинов, ДГУ-дин профессор, илимрин доктор Ризван Гуьсейинов, Дагъустандин халкъдин писатель Абдуселим Исмаилов, машгур публицист Фейруз Беделлахтул, Мегъарамдхуьруьн райондин администрациядин культурадин отделдин кил Эседуллагъ Селимов, Къурагъ райондин информациядин технологиядин ва печатдин центрадин регъбер Жаврудин Халиков ва масабур хъуни фестивалдин важиблувиликай лугъузвай. Районрай, шегъеррай "Лезги газетдихъ" галаз сих алакъяяр хуьзвай цудралди мухбирарни атанвай.

Мярекат суьгъбетрин къайдада киле фена. Рахаз кланзавай гъар са касдиз сегънедал экъечидай мумкинвал авай. Килин доклад газетдин литературадин отделдин редактор, машгур шаир Мердали Жалилова авуна. Адаз лезги пуб-

квач. Аялар тарсариз тефин, сяттерин къадар тимилярун, хайи члаларай сад тир имтигъан тахъун... И сиягъ мадни давамариз жеда. Дагъустанда хайи члаларин гъакъиндай килдин къанун къабулда лугъуз гафар-члалар гзаф хъана, амма месэладал къени клукл атанвач. И къанун къабулун, шак алачиз, Дагъустандин халкъарин члалар хуьнин рекъе кар алай камарикай сад жеда.

Лезги члалал акъатзавай вири изданийри литературадин члалан истемешунар вилив хуьн герек тирди кьейд авурбурни хъана фестивалдин иштиракчийрин арада. Бязибуру газетриз гъевчи ва юкван карчивилин, образованидин месэлайрай хъизвай макъалайрин къадар гзафарун меслятна. "Лезги газетдин" штатдик квачир мухбир Хазран Къасумова нубатдин сеферда лезги прессадин фестиваль лезги районрикай сана тешкилул теклифна.

Иштиракчийри гайи вири теклифар, меслятар, фикирар чна редколлегиядал веревирдда, сафунай яда, кваллахда менфят къачуда. Абуру кьейд авур крар, гъакъикъатдани, важиблур я. Амма, зи фикирдалди, алай вахтунда лезги публицистикадин вилик акъвазнавай виридалайни килин месэла хъсандиз хайи члал чаидай, метлеблу макъалаяр хъидай жегил пе-

Сад лагъай сеферда

тварунихъ галай фондунин патайни Гуьрметдин грамота гуналди кьейдна. И фондунин председател Гъасангуьсейин Абдулжелилова гъакни яргъал йисара илимдин рекъе зегъмет члугъузвай члалан алим Фаида Гъаниевадив "Дагъустандин намусни дамах - Къизилдин лекъ" медаль вахкана. Милли публицистика вилик тухуник чехи пай кутунай РД-дин информациядин ва печатдин министерстводин патай гуьрметдин грамотайриз "Цийи дуьнья" газетдин килин редактор Дашдемир Шерифалиев, "Куьредин хабарар" газетдин килин редактор Асият Мирзалиева, "Дагъдин булах" газетдин килин редактор Алван Рамазанова, "Самурдин сес" газетдин килин редактордин заместитель Рамзес Мурадалиев, "Эренлардин сес" газетдин мухбир, шаир Шагъбала Шагъбалаев ва Лезги театрдин здебиятдин паонин заведующий Эминат Заирбегова лайихлу хъана.

Мегъамед Ибрагимова газетдин редакцияди 2020-йисуз малумарай конкурсра гъалиб хъайи ксарив дипломарни пулдин пишкешар вахкана. Абурун арада Тамил Салманова, Юсиф Саркаров, Роза Мингъажидинова, Фазила Абасова ва масабур авай.

"Лезги газетдин" редакциядив Мегъарамдхуьруьн райондин руководстводин патай администрациядин культурадин отделдин регъбер Эседуллагъ Селимова ва "Самурдин сес" газетдин килин редактордин заместитель Рамзес Мурадалиева са шумуд савкъат вахкана. Абурун арада райондин кил Фарид Агъмедова газетдин 100 йис тамам хъун мубаракзавай Тебрикдин тел, райондин медениятдин махандин Кучун-Къазмайрин хуьре авай филиалдин къуллугъчийри хранвай, "Лезги газетдин" 100 йисаз бахшнавай гъевчи гибе (руко-

лицистикадин тарих хъсандиз чиди. Газетдин 100 йисан юбилейдиз талукъарнавай ктаб гъазурнавайдини гъам я. Гъавилай ада авур рахунарни, гайи теклифарни чи милли публицистика патал важиблур хъана.

Лезги члалал акъатзавай хейлин газетрин, журналрин редакторар, мухбирар санал кватгиз хъун фестивалдин агалкунрикай сад я лагъайта жеда. Малум тирвал, икван члалалди чи милли прессадин тарихда ихътин мярекат садрани тешкилнавачир. Килин редакторринни клелзавайбурун арада киле феи гуьруш иллаки метлеблуди хъана. Хъсан теклифар гайибурни авай. Мисал яз, шаир Гуьзеля Гъасановади аялар патал лезги члалал ширирар хъизвай авторар тимил хъанвайди кьейдна. Адан гафаралди, лезги районар авай гзаф къадар ясли-бахчайрин тербиячяр, аялриз гудай кьезил, залан тушир члалалди хъенвай ширирар жагъин тийиз клевера гъатзава. И кар фикирда къуна, ада "Лезги газетда" аялар патал чара ийизвай чирнин къадар артухарун теклифна.

Лезги члалан муаллим, шаир Гъулангерек Ибрагимовадин фикирдалди, акъалтзавай несилар хайи члал, милли адетар чирунивай къвердавай къерех жезва. И кардиз таъсирзавай себебрикай сад мектебра клелзавай аялриз, абурун диде-бубайриз хайи члалан тарсариз фин-тефин хъадай азадвал гун я. Гъ. Ибрагимовади хабар гайивал, лезги хуьрера авай са къадар мектебра бязи аялар хайи члалан тарсариз ерли физвач. Генани къурху кутазвай кар ам я хъи, диде-бубайрини ихътин аялрин тереф хуьзва. "Лезги члал кьез герек я?" лугъудайбуру пайда хъанва чи хуьрера.

Гъакъикъатдани, тлал алай месэла я. Мектебра хайи члалан тарсарив гечлзавай тегъер пайгардик

шекар журналистар къит хъун я. Редакциядин кваллахдал жегилар желб авун патал чна школьникрин, студентрин арада олимпиадаяр, конкурсар тухузва, гъалибчийриз, абурук ругъ акатдайвал, савкъатар, пулдин премияр гузва. Амма чи йикъара хайи члал чирдай факультетрик, отделенийрик экелзавайбурун къадар лап тимил я. Себеб вуч я? Муаллимдиз, милли газетдин мухбирдиз кьезвай мажибар гъевчибуру хъун. Гъавилай жегилри "къеж квай" пешеяр хъязва. Мажибар гзафарун, филологиядин факультетра клелзавай студентриз алава стипендияр тайинарун, хайи члалан конкурсра, олимпиадайра кленквечи чкаяр къазвайбуруз хъсан премияр гун ва маса месэляяр гъялун патал Ярагъ Мегъамедан тварунихъ галай мергъяматлувилин фондунин председател Гъажибуба Рустамова лезги члал вилик тухудай махсус фонд арадал гъун теклифна. Белки, чалай гъахътин фонд кардик кутаз алакъайта, ихтилат физвай месэла гъялиз жен. ИншаАллагъ!

Мумкинвал хъайитла, лезги прессадин фестивалар къведай йисарани тухуда. Нубатдинди лезги публицистикадин ватан яз гъисабзавай Ахъегърин хуьре тешкилда. Рикел хкин, лезги члалал сад лагъай газет 1928-йисуз Ахъегъа акъатнай. Адан редактор машгур алим Гъажибег Гъажибегов тир.

Фестивалдин нетижаяр къадайла, тешкилувилин кваллахдин жигъетдай фикир таганвай месэляяр амайди винел акъатна. Къведай гилера абур арадай акъудда, мярекатдин программа гегеншарда, адак цийивилер кухтада.

Заз лезги прессадин сад лагъай фестивал тешкилуник пай кутур гъар са ватангълидиз сагърай лугъуз кланзава. Хайи члалан къайгъуда хъун чи умуми везифа я!"





Гульжаган МИСРИХАНОВА

Уьмуьрлух тарс

Къанни цуд йисалай Ватандиз хъфей заз инин гъар са чкади хайи къулав цай гузвай тегьерда чими ийизвай. Жегьилвиллин йисар, гъиссер рикле аваз, за яваш-явашдиз камар къачузвай ва гуьзел легъейрикой лезет ххудзавай. А чавара яргъи куьнедин а къилиз акъатдалди гъалтдайбур вири чидайбур тиртиа, гила 15-20 касди-кай анжах сад-къвед чир жезвай. Хуьруьн къилихъ галай булахдал фидай рекъе, куьгъне къвалерин вилик къванцел, асани къвалахъ эцигна, сад ацукнавай. Килигайтла, - заз гъвечи классра тарсар гайи Шихверди муаллим. Зун тади камаралди адан патав фена ва салам гана. Ада хушдиз заз жавабнигана. - Къез зун чир хъаначни, я муаллим? Зун куьне тарс гайи Гульжаган я.

Шехъиз-шехъиз классдиз хтай а руша къез арза авунай ва вичин сят, гъилер чуьхуьдайла, къулухъай атана, сада къачуна лагъанай. - Ни и рушан сят къачуна тла, вахце, адан иеси гъам я, - лагъана, классда авайбурун гъар садан чиниз килигнай куьн. Заз регъуь хъанайтани, сят вахкуз къан хъаначир. Ахпа вуна сятдин иеси классдай акъуднай. Чун, классдавайбур, вири цлан патав жергеда акъавзарнай. - Аялар, куьн вири чинар цлаз яна акъваз, зун куь чантайра къекъведа. Белки, жагъин хъийин адан сят-лагъанай куьне. Чун вири, чинар цлаз яна, акъвазнай. Гъвечи аял тиртиани, зи намусди им пис кар тирди къатанай ва заз гзаф регъуь хъанай. Сят чантадай вахчурдалай гуьгуьуниз куьне чаз чинар квехъ элкъуьрун ва гъар сад вичин чкадал ацукъ хуьвун буйругънай. Ахпа дегълизда вил алаз акъвазнавай рушаз хъша лагъанай, виридаз аквадаивал, адав сят вахканай. Куьне лагъайтла, и кардилай мад са гафни лугъун тавуна, тарс башламишной. Га юкъуз, играми муаллим, куьне зи намус, аялрин вилик леке вегъин тавуна, зал чуьнуьхгумбат лакаб акъалдар тавуна, михъиз хвенай. Заз са гаф къванни лагъаначир. Зи бейнида гъамиша амукай и карди, играми муаллим, заз ваз ухшар авай тербиячи-муаллим жез рум ганай... Чун са гзаф вахтунда, сад-са-даз килигиз, къис хъана. Ахпа яшар 80 йисалай алатнавай муаллимди, зи гъил вичин яхун ва зурзавай гъиле къуна, жаваб ганай. - Зун а члавуз куь чантайра вилер акъална къекъвенанай ва гъавилай, гъим нин чанта ятла, къилни акъатначир. И жавабди зун мадни гъейранарнай. Га ихтин муаллимар-тербиячиар хъана чахъ, уьмуьрлух тарсар гудай. И кардал за къени дамахзава.

Машгуьлат

Аялар патал тукъуьрнавай машгуьлат ацурунин шартI ихтинди я: шикилрин тварарин сифте гъарфар кюьд тламадикай ибарат тик ва дуьз цларара, гъар сада, тикрар тавуна, къихъ. Машгуьлатди аялриз тукъуьр хъанвай гъарфар (месела, *гъ, хъ, хъ...*) чирунин карда хъсан патажъай таъсирда. Са бязи гъарфар тламайра къевна. Ичибур ацур хъия.

Тукъуьрайди - Абдул АШУРАГЪАЕВ

Grid of small illustrations and letters for the word game section.

Аялриз кIела Къуьзуь Аслан

Мерд АЛИ
Гъамиша вичиз хас тир аслан-вилелди яшамаш хъайи Падишагъ бедендиз зайиф хъанвай. Вилерихъ чпин виликан ачухвал, япарихъ хъивал, къачерихъ зирингвал амачир. Сив лагъайтла, сарар квахъна, ракъари къунвай. Абурни мукъвал-мукъвал я хазвай, я чеб чпелай аватзавай. "Гила къуьзуь хъанва зун, - пашманвилелди рахана Аслан вич-вичив. - Гила зи гъурч куьтягъ хъана..."

Тамила САЛМАНОВА

Гъайифар

- Диде чан, зун куьнедиз къугъ-ваз фин ма-ан.
- Ваъ, чан зи цуьк, рушари куьмекар гудай затI я дидефирис.
- Зун гъеле гъвечи я эхир.
- Чизва, гъавилай за ваз гъвечи къвалахар гуда. Ма, къачу и пек, вири тумбочкайрилай руг ми-хъа.
- Накъ ми-хъайди вуч тир?
- Агъ, чан бала зи, гъар юкъуз пек элкъуьрна къанзавайди я, таквадай руг ацукъзавайди я анрал.
- Эгъ-гъ, диде чан, канва зун ви ми-хъивилери. Ви гъиле гъамиша кул ава, гагъ гъаятда, гагъ къвале, гагъ ваз салан чилелни са пеш та-курай.
- Чехи жедайдавай абур вуна-ни ийидай крар я, чан руш. Темпел жемир.
- Хъсан я стхайриз.
- Гъабурни акъвазнавач, абур дахдиз сала куьмекар гузва, генани четин крар ийизва.
- Абур - гъазуран тлуьни тлуьна, футбол къугъваз, зун - къапар

- ГъикI хъана, жегъил вахтар алатнани? Къуьрез килигзавач хъи? - рахада адав къуншидал алай маса Аслан. Вични - дишиди.
- Эй, за ваз вуч лугъун, - къагъур кваз рахана эркекди. - Вун гъеле жегъилзама. Сарарни сагъ я. Зибуур...
- Вибур вуна гъикъван регъвена! Га мишдилайни элкъвейди туш. Филдин кIараб жакъваз алахъдай... Гила, ракъар эхцигайла, таза къуьрезни яб язамач?..
Падишагъ генани къагъурлу хъана:
- Къуьр заз аквазва. Сарарни ракъунбур я. Жакъваз жеда тла чидач заз.
- Жеда, жеда! Килиг садра!
- Жакъвайлани, руфунни къал къачузва. Иливариж жезмач, - сеники шел кIкана Асландин.
- Эй фагъир. Руфун сагъ аму-къун патал сарар хуьдичирни? - мад рахазва къуншидаллай дишиди. - Вуна руфуниз ракъур тавурди амани? Гъваш лугъудай сагъдиз яц, кал, деве! Асландин пай я лугъудай...
- Га члавуз и югъ къведайдиди чидачир. Ракъаривайни зи руфун бажагат хуьз жеда. Рекъвера тIал гъатзава, - кватна шехъна къуьзуь Аслан.
Дишидаз и кар генани такIан хъана. Элкъвена ам и "ажуз затI" таквар патажъ...
Са шумуд йикъалай клеткада я Аслан, я къуьр амачир. Абуру гъар-да санихъ къил баштанна лугъуда. Къуьр - салар галайвал, Аслан... Ам фейи пад садазни акулвач. Къалин тама хуьтуьн са юкъуз гъурчехъанриз ракъун сарар жагъайда-кай хабарар чIкана...

Зи дустар Мирзеебег ЭРЗИХАНОВ

Экуьн къилияй зи кIек - "завал", Лув гана къавал, "Уь-уь" ягъиз, - "Къарагъ, Араз!" Эвер гузва заз.
"Геж ийимир, вач мектебдиз, Тадиз хуьхъ къвачин. Вил ягъа на мад ктабдиз, Гъазур я Лачин".
КIани Тузик шад я къугъваз, Къвазна къве къвачел, Рекъе твада лугъуз Араз, Вичин туьнт чIалал.
Мектебдиз къван туна рекъе, Къвазда вил алаз. Сятер жеда, Къугъваз веке, Хквер къван Араз.
** *
Къефесдаваз заз бубади Гъана гъвечи нуькI. Секин туш ам дар убада, Хъанва лап гъарикI. Цивцивдивди эверзава, Це лугъузва ем. Мад зи патав къвез, эверзава, Кутурди хъиз дем. НуькI - халадин тIвар я билбил, Шад я зав рахаз. Йиф атана, акъалнач вил, Эвериз вахаз. Вердиш хъана зунни билбил, Хураллайд хъиз саз, Арабир физ, ягъиз зинбил, Луварив гатаз.

Низ вуч къан я? Къуьзуьдаз къанда къулай чими къул, Чубандин мурад - бул хиперин дул.

Дидедаз велед тахъурай юхсул. Мад низ вуч къан я? Ша ийин къабул.
КIан я акулдиз кутугай итим, Твадай рикIера берекатни чим, Дуьнья сад хъана, тежервал етим.
Мад низ вуч къан я? Намуслу гъаким.

Бегдиз, сусариз - шад мехъерин чам, Вагъши гъайванриз - еке къалин там, Акъалт тийир рагъ - экуь чирагъ, шам, Квахъна, алатуй хажапатни гъам. Мад низ вуч къан я? Хъурай къвалера аялар хуррам.

Зи пси ЦIарак Мур-мурд ванцел экуьн къилияй, Къвез зи патав, гъвечи ЦIарак, Элягъиз къанз яргъан залай, Чухваз къвазда тапасрив рак.

Ширина "мяу-див-" Къарагъ, Къухмаз, - Заз женжелди эвер гуда. - Ша са гъвечи вун зав къугъваз... Яваш хъез, мад зал эверда.
Заз зи пси къан я гзаф, Кат-калтугиз къугъвадайла. Ван хкведач лагъай са гаф, Хкадриз, зун чухвадайла.

Пагъ, са затI я, атайла хъел, Ухшар жеда абажурдиз. Къуьгуьр хътин экъисна пел, Тифтиф - цава, кIапIажул хъиз...

жумья, 2-июль

РГВК
07:00 Время новостей Дагестана
07:20 Передача на аварском языке 12+

ПЕРВЫЙ

05.00 "Доброе утро". (12+).
09.00 Новости. (16+).
09.25 "Доброе утро". (12+).

РОССИЯ 1

09:00 "Даргала анкы" (на даргинском языке)
14:30,21.05 Местное время. Вести-Дагестан

НТВ

04.50 Т/с "Лесник". (16+).
06.30 "Утро. Самое лучшее". (16+).

ДОМАШНИЙ

06.30 6 кадров. (16+).
06.35 Д/ф "Реальная мистика". (16+).

ТВ-ЦЕНТР

06.00 "Настроение".
08.10 Х/ф "Вселенский заговор". (12+).

ЗВЕЗДА

06.00 Х/ф "Два Федора".
07.35 Х/ф "Через Гоби и Хинган". (12+).

киш, 3-июль

РГВК
07:00,08.30,16.30 Время новостей Дагестана
07:20 Передача на кумыкском языке 12+

ПЕРВЫЙ

06.00 "Доброе утро". Суббота. (6+).
09.45 "Слово пастыря".
10.00 Новости. (16+).

РОССИЯ 1

05.00 "Утро России". Суббота.
08.00 "Вести". Местное время.

НТВ

04.35 Т/с "Лесник". (16+).
08.00 "Сегодня".
08.20 "Готовим с Алексеем Зиминым".

ДОМАШНИЙ

06.30 6 кадров. (16+).
06.45 Пять ужинов. (16+).

ТВ-ЦЕНТР

07.10 "Православная энциклопедия". (6+).
07.40 Х/ф "Вместе с верой". (12+).

ЗВЕЗДА

06.00 Х/ф "Люди на мосту".
08.00 Новости дня.
08.15 Х/ф "Старик Хоттабыч".

гьяд, 4-июль

РГВК
07:00 Время новостей Дагестана
07:20 Передача на лезгинском языке «Вахтар ва инсанар» 12+

ПЕРВЫЙ

05.00,06.10 Т/с "Петербург. Любовь. До востребования". (12+).

РОССИЯ 1

04.20 Х/ф "Контракт на любовь". (16+).
06.00 Х/ф "Осколки хрустальной туфельки".

НТВ

05.05 Т/с "Лесник". (16+).
07.00 "Центральное телевидение". (16+).

ДОМАШНИЙ

06.30 Мелодрама "Соленая карамель". (16+).

ТВ-ЦЕНТР

06.05 Х/ф "Нож в сердце".
07.50 "Фактор жизни".
08.25 Х/ф "Парижские тайны". (6+).

ЗВЕЗДА

09.00 Новости дня.
09.15 Т/с "Смерть шпионам. Скрытый враг".

КУЛЬТУРА 28-июндилай 4-июлдади

ИСЛЕН
06.30,07.00,07.30,10.00,15.00,19.30
Новости культуры
06.35 "Пешком..." Москва язуская.

АРБЕ

06.30,07.00,07.30,10.00,15.00,19.30
Новости культуры
06.35 "Пешком..." Москва толстовская.

ХЕМИС

06.30,07.00,07.30,10.00,15.00,19.30
Новости культуры
06.35 "Пешком..." Москва немецкая.

ЖУМЬЯ

06.30,07.00,07.30,10.00,15.00,19.30
Новости культуры
06.35 "Пешком..." Москва новомосковская.

КИШ

06.30 Святыни христианского мира.
07.05 М/ф "Новоселье у Братца Кролика".

ГЯД

06.30 М/ф "Пегух и краски".
07.55 Х/ф "Инспектор Гулл".
10.15 "Обыкновенный концерт с Эдуардом Эфировым".

РАДИО

ИСЛЕН
11.10. Вести «Дагестан»
11.30. Радиоспектакль
САЛАСА
11.10. Вести «Дагестан»
11.30. «Актуально».

Программа гъзаурайди - Н.ВЕЛИБЕГОВА

Дин

Вири инсаниятдиз чешнелу ксар

Ямин МЕГЪАМЕДОВ, диндин рекъий алим

(Эвел - 2020-йисан 44-52, 2021-йисан 1-9, 11-14, 18-24-нумрайра)

Мугъаммад пайгамбардин (къуй Аллагъдин патай салават ва саламар хъурай вичиз) асгъабрин келимаяр (Аллагъ рази хъурай ччелай) Абу-Убайдагъ ибн аль-Жаррагъ асгъабдин (Аллагъ рази хъурай вичелай) гафар (вязер)

1. Абу-Убайдагъ ибн аль-Жаррагъ (Аллагъ рази хъурай вичелай) асгъабди лагъана: "Дугъриданни, чпин либасар (парталар) миъхи ийизвайбур, амма чпин дин къацлурзавайбур гзаф ава! Дугъриданни, чпин чанариз гъурмет (хатур) ийизвайбурни гзаф ава, амма гъакъкъатда абуру ам (чан) агъузвиле твазва (алчхарзава)! Куьне квел алай куьгъне гунагъар (къадим крар) цийи, хъсан (диндар) краралди алуда! Эгер къекай сада вич алай къадилай цавув агакъдай къван пис крар авуна, гъгъуьнлай хъсан (диндар) кар хъувуртла, диндар карди адан пис крарин винел пад къачуда, та ада абурал миъхиз гъалибвал къачудалди". (Гъилйат-уль-Авлийаъ).

2. Абу-Убайдагъ ибн аль-Жаррагъ асгъаб (Аллагъ рази хъурай вичелай) Йорданиядин чилел алаз (гъана адан сурни ава), ам душманди гапурдалди яна, адал пис хер хъайла, ада вичин патав мусурманриз зерна ва икӀ лагъана: "Дугъриданни, за квез веси ийизва, эгер куьне ам къабулайтла, куьн паталди хийирлу гъал давам жеда: капӀ ада ая, закат це, Рамазандин вацра сивер хух, садакъаяр це, гъаж ая, сада-садаз хъсан кар авун веси ая, куь эмирриз (регъбер ксариз) насигъат це ва абур алдатмишмир. Къуй куьн и дуьньяди телеф тавурай! Дугъриданни, эгер

са касдиз агъзур йис уьмуьр гайитлани, эхирдай, гъар гъикӀ хъайитлани, ам квез аквазвай гъа зун авай (чан гунин) гъалдиз хкведа...! Гъакъкъатда, Аллагъди Адаман несилриз къиникъ къисмет-къадарнава ва абурукай виридакай мейитар жеда. Абурукай виридалайни къанажагълуди (дуьз къатлун авайди, фагъумлуди) чпин Раббидиз виридалайни итӀатлуди ва вичин "элкъвена хкведа" Югъ патал виридалайни гзаф амал ийизвайди я! Ва ссаламу алейкум ва рагъмату Аллагъ... Эй Муаз ибн Жабал! Имам яз аквазна, инсанрихъ галаз капӀ ая...". И гафарилай къулухъ ам рагъметдиз фена...

Муаз асгъабди (Аллагъ рази хъурай вичелай) къарагъна, инсанриз насигъат авуна: "Эй, инсанар! Туба ая куьне Аллагъдиз куь гунагърин гъакъиндай. Дуьз (сидкъи) туба я! Дугъриданни, бенде вичин гунагърин гъакъиндай туба ийиз Аллагъдихъ галаз гъуръушмиш хъайила, адаз, са буржунилай гъейри, амай гунагъар багъишун Аллагъди Вичел къачунва. Бенде вичин буржунин заминда ава (адалай аслу я). Вуж къекай вичин (мусурман) стхадихъ галаз хъел хъанватла, къуй ам, пакамахъ къарагъайла, адахъ галаз гъуръушмиш хъурай ва къуй адаз гъил ярай. Мусурман касдиз вичин (мусурман) стхадихъ галаз пуд йикъалай артух вахтунда хъел жедай иктияр авач (виже къведач). А кар чӀехи гунагъ я" (Мунтахаб аль-Канз).

3. Абу-Убайдагъ ибн аль-Жаррагъ (Аллагъ рази хъурай вичелай) асгъабди гъакӀни лагъана: "Муьмин касдин рикӀин мисал (гъал) - хуьруьн нуькӀрен гъалдиз ухшар ава: ам гъар юкъуз гзаф сеферра инихъ-анихъ физ-хквезва". (Яни муьминдин рикӀ гагъ имандихъ, гагъ куьфрдихъ элкъуьн мумкин я, гъавилляй Аллагъдивай гъамиша рикӀ имандал мягъкемарун тӀалабана кӀанда). (Гъилйат-уль-Авлийаъ). (КъатӀ ама)

КӀарин вахтар (Махачкъалада)

Table with 7 columns: Югъ, Экуьнин, Рагъ экъечдай вахт, Нисинин, Рагъдандин, Нянин (Гъетрен), Месин. Rows 1-31.

Диндин месэлайриз талуь суалар пайда хъайитӀа, ватцапдин 8-989-653-42-35 нумрадиз кхъихъ.

"Лезги газетда" диндин пак кхъинар жезва. Гъавилляй ам чиркин чӀайрал гадарун къадагъа я.

Спорт



Имам - дуьньядин чемпион

КАКАХЪАЙ БЯГЪСЕР

Къагъриман ИБРАГЪИМОВ

И йикъара Краснодардин крайдин Анапа шегъерда (900 спортсмендин иштираквал аваз) какахъай бягъсерай дуьньядин Кубок патал турнир къиле фена. Дагъустандин хкъагъай командадик кваз ана Дербентда тренер Рустам Къухмазован гъилик вердишвилер къачузвай ругуд спортсмендини иштиракна. Абурун жергедай тир Имам ГЪАСАНОВА (7 йис) чемпионвилдин тӀвар

къазанмишна. Надим Османов, Агъаси Султанов ва Жаватхан Шагъриведов - 2, Вадим Гъасанов 3-чӀайриз лайихлу хъана.

- Имама зи гъилик чирвилер къачуз са шумуд варз я, - луьгузва Р. Къухмазова. - Зегъметдал рикӀ алай, тапшуругъар тамамдиз къилиз акъудзавай, бягъсера, вири къуватар эцигна, эхирдалди женг тухузвай ам къенин юкъуз хъсан гележег авай жаван спортсмен я.

Чи мурадни вири жаванрихъ республикадин, Вирироссиядин ва международный акъажунра агалкъунар хъун я.

Арина - виликди!

КЪЕЗИЛ АТЛЕТИКА

Дашдемир ШЕРИФАЛИЕВ

Краснодар шегъерда къезил атлетикадай школьникрин арада СКФО-дин ва ЮФО-дин кӀвенкӀвечивал патал акъажунар къиле фена. Абура Дагъустандин хкъанвай командадик кваз Ахцеъгъ ДЮСШ-дин кекилрини иштиракна. Арина ГУДАЕВАДИ (тренер - спортдин мастер Абдурагъим Палчаев), пуд сефердин хкадарунай (тройной прыжок) - 11, 55 метр муьтӀуьгъаруналди, гъалибвилдин 1-чка ва 5, 21 метрдиз хкадарунайни 3-чка къуна. Гила ада школьникрин арада РФ-дин кӀвенкӀвечивал патал акъажунра вичин устадвал къалурда.

Уьлкведин майданда хайи райондин ва вири республикадин таъсиб хуьзвай виктегъ



рушаз ва адан муаллим Абдурагъим Палчаеваз чна агалкъун рикӀин сидкъидай мубаракзава. Арина Гудаевадикай Россиядин чемпион хъунихъ чун инанмиш я.

Устадвал къалурна

ДЗЮДО

Хазран КЪАСУМОВ

Сулейман-Стальский райондин Сардархуьре Ватандин ЧӀехи дяведин активный иштиракчи, гзаф шабагърин сагъиб Азим Алимов рикӀел хуьнин лишан яз, жаванрин арада Дагъустан Республикадин кӀвенкӀвечивал патал дзюдодай гъар йисуз тухузвай акъажунар къиле фена. «Сардар» спорткомплексдин геьенш залда къиле тухвай турнирда Махачкъала, Хасавюрт, Каспийск, Къизляр, Буйнакск, Дербент шегъеррай, Сулейман-Стальский, Хив, Тлярата, Агъул, Мегъарамдхуьруьн, Шамил, Къурагъ районрай ва Дербент райондин Чинар хуьряй атанвай командайри иштиракна. Спортсменрин къадар 100-далай виниз тир.

Мярекат райондин администрациядин къилин 1-заместитель Лацис Оружева ачухна. Ада райондин къил Нариман Абдулмуталибован, депутатрин собранидин председатель Штибег Мегъамедханован ва вичин патай турнирдин иштиракчийриз тебрикдин келимаяр лагъана. Турнир ачуьуниз талуь мярекатдал гъакӀни тебрикдин келимаяр Азим Алимован гада, зегъметдин ветеран Аким Алимова, спортдин лайихлу мастер, дуьньядин чемпион Руслан Гъамзатова, райондин образованидин



управленидин начальник Гъуьсейн Шихбаева, акъажунрин къилин судья, пешекарин арада дзюдодай дуьньядин чемпион Тельман Къурбанова лагъана. Районда кардик квай аялрин яратмишунрин квалин фольклордин коллективди (регъбер - Индира Рашидова) зиринг "Лезгинка" къуьл тамамарайдалай гъугъуьниз майдандиз жаван спортсменар экъечӀна. КъизгӀиндакӀ къиле фейи акъажунра 1-чка Сулейман-Стальский райондин командади къуна. 2 ва 3-чӀайриз Дербент ва Къизилюрт шегъеррин командаяр лайихлу хъана. Тафаватлу хъайи командайриз ва къилдин спортсменриз кубокар, медалар, пулдин пишкешар гана.

